

Ժողովուրդ

27
(2877)

29 փետրվարի հինգշաբթի 2024
տպագրության ԺԳ տարի


Թ. Երևան, Արմավյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

ՓՈՂԵՐԸ ԾԱԽՍԵԼ ԵՆ, ԲԱՅՑ ՀԱՄԵՐՔԸ ՉԻ ԿԱՅԱՆՈՒՄ



Դեռ նախորդ տարվա ամռան սկզբին շրջանառվեցին լուրեր, ապա հաստատվեց, որ ամերիկացի հայտնի ռեփեր Մուսի Դոգը համերգով հանդես կգա Հայաստանում: Օգոստոսին հայտնի դարձավ, որ համերգի համար պետական բյուջեից հատկացվել է 6 միլիոն դոլար՝ 2.3 միլիարդ դրամ: Ավելի ուշ որոշվեց, որ համերգը տեղի կունենա սեպտեմբերի 23-ին, սակայն սեպտեմբերի 9-ից 10-ը ընկած ժամանակահատվածում համերգի կազմակերպիչ «Դոպինգ Սփեյս» ընկերությունը հայտարարություն տարածեց ֆեյսբուքյան էջում. «Տեղեկացնում ենք, որ Հայաստանի Հանրապետության կառավարությունը մեզ է փոխանցել իր որոշումը՝ հետաձգել Snoop Dogg-ի սեպտեմբերի 23-ին նախատեսված համերգը»:

Դեկտեմբերի 7-ին ԿԳՄՍ նախարար ժաննա Անդրեասյանը հայտարարեց, որ համերգը տեղի է ունենալու «հավանաբար հաջորդ տարի(2024)՝ մայիս-հունիս ամիսներին»:

ՀՀ ԱԺ նախագահ Ալեն Սիմոնյանի թանկ կարծիքով՝ եթե համերգը տեղի ունենա, պետք է բաց լինի բոլորի համար: Ծիջտ է, «Եթե տեղի ունենա»:

Բանն այն է, որ «Ժողովուրդ» օրաթերթը փորձեց ԿԳՄՍ-ից ճշտել՝ ինչ առաջընթաց կա համերգի կազմակերպման վերաբերյալ, սակայն նախարարությունից պատասխանեցին, որ հարցի հասցեատերը կառավարությունն է:

Կառավարությունն էլ իր հերթին ուղղորդեց ԿԳՄՍ, ապա խնդրեցին հարցում ուղարկել, իրենք կվերահասցեավորեն: Ինչեւէ, հետաքրքիր հատվածը պատասխանն է, որում հարցին, թե ինչ գործընթացներ են եղել 2024 թվականի ընթացքում Մուսի Դոգի համերգը կայացնելու վերաբերյալ, պատասխանել են. «Տեղեկացնում ենք, որ ԿԳՄՍ նախարարության եւ «Դոպինգ Սփեյս» ՍՊԸ-ի միջև 2023 թվականի օգոստոսի 18-ին կնքվել է պայմանագիր, իսկ ս.թ. փետրվարի 19-ին՝ N1 հրամանագիր, ըստ որի՝ համաշխարհային աստղ Մուսա Դոգի համերգը նախատեսվում է կազմակերպել 2024 թվականին»:

Բանն այն է՝ նախարարությունը կնքել է հրամանագիր, որը, ըստ ամենայնի, ոչ մի պահանջ է հրաման չի ենթադրում: Ավելին՝ նախարարի հայտարարությունը, թե համերգը նախատեսվում է մայիս-հունիս ամիսներին, չի համապատասխանում իրականությանը, քանի որ իրական լինելու դեպքում այժմ գոնե ինչ-որ գործընթացներ կլինեին:

Նախարարի նշած ժամկետին մնացել է 2-3 ամիս, սակայն դեռ ոչ մի տրեդինգ չկա:

Կառավարությանը խնդրեցինք պատասխանել նաեւ՝ վերջիվերջո ով է համերգի պատասխանատուն եւ մեր հարցերի հասցեատերը, որին ի պատասխան ստացանք հետեւյալը. ««Համաշխարհային աստղի հայաստանյան հյուրախաղեր» երաժշտական նախագծի իրականացման պատասխանատու մարմինը ԿԳՄՍ նախարարությունն է՝ համաձայն ՀՀ կառավարության 2023 թվականի օգոստոսի 11-ի որոշման»:

Մեր հարցից հետո նախարարությունը եւս տեղեկացավ, որ պարտավորություններ ունի, սակայն մյուսների պես այն պատշաճ չի իրականացնում, իսկ Մուսի Դոգի համերգը կարծես դարձել է կոկորդի ոսկոր, որը այդպես էլ կուլ չի գնում:


«Ժողովուրդ» օրաթերթի տեղեկությունների համաձայն՝ ԶԳ գրասենյակի տարածքում եւ ԶԳ խմբակցության պատգամավոր Գուրգեն Արսենյանին պատկանող տարածքում պայթուցիկ տեղադրելու դեպքով տարբեր վարկածներ են քննվում: Իրավապահ համակարգը 3 օր է՝ ջանքեր է գործադրում դեպքը բացահայտելու համար: Ամենաուշագրավն այն է, որ իրավապահ համակարգում քննվում է վարկած, որ պայթուցիկը վերոնշյալ տարածքում, չի բացառվում, տեղադրվել է ԶԳ-ական պատգամավորներից մեկի ընտանիքի անդամի կամ բարեկամի կողմից: Այսինքն՝ տեղի ունեցածը անձնական հողի վրա եղած թեմա է: ArmLur.am-ը գրել էր, որ, մեզ հասած տեղեկությունների համաձայն, ԶԳ-ի գրասենյակից իրավապահներին զանգահարել է գրասենյակի քարտուղար Հասմիկը եւ հայտնել, որ գրասենյակի դիմաց տարօրինակ տուպրակ կա, խնդրում է իրավապահներին գալ եւ տեսնել, թե ինչ կա տուպրակի մեջ: Ավելին՝ ArmLur.am-ին հասած տեղեկությունների համաձայն՝ իրավապահները նախնական պարզել են, որ կեղծ պայթուցիկը ԶԳ-ի գրասենյակի դիմաց տեղադրել են հենց նույն օրը, երբ պայթուցիկ է տեղադրվել Գուրգեն Արսենյանի գրասենյակի շենքի մոտ:



Երեկ՝ ՍԴ դատավորի թեկնածու Դավիթ Բալայանի քվեարկության ժամանակ, ուշագրավ դեպք է եղել: «Ժողովուրդ» օրաթերթին հասած տեղեկությունների համաձայն՝ Նիկոլ Փաշինյանի աներձագ, ԶԳ խմբակցության պատգամավոր Հրաչ Հակոբյանը չի իմացել, որ ԶԳ-ն բոլորտել է ու չպետք է մասնակցի թեկնածուի քվեարկությանը, ու գնացել է քվեարկության վայրը, սակայն նրան հետ են կանչել՝ ասելով, որ որոշում կա չմասնակցելու քվեարկությանը, ու նա լքել է քվեարկության վայրը: «Ժողովուրդ» օրաթերթը կատարվածի շուրջ անձամբ գրուցեց ԶԳ-ական պատգամավոր Հրաչ Հակոբյանի հետ, ինչին ի պատասխան՝ վերջինս հայտնեց, որ, այո, ինքը գնացել է քվեարկության, սեղանի մոտ գրուցել է կուլեգաների հետ ու հետ է գնացել: Մեր այն հարցին՝ իսկ ինչի մասին է գրուցել, Հրաչ Հակոբյանը չցանկացավ մեկնաբանել: Նշենք, որ իշխող ուժը՝ ԶԳ-ն, չմասնակցեց ՍԴ դատավորի պաշտոնում դատավորների ընդհանուր ժողովի կողմից առաջադրված Դավիթ Բալայանի թեկնածության քվեարկությանը: Հաջվեքնից հանձնախմբի նախագահ Նարեկ Բաբայանը հայտնել էր, որ քվեատուփում եղել է 32 քվեաթերթիկ, որի ձայները բաշխվել են հետեւյալ կերպ՝ 32 կողմ, 0 դեմ, 0 ձեռնպահ: Այսպիսով, Դ. Բալայանի թեկնածության քվեարկությանը մասնակցել է միայն խոհրդարանական ընդդիմությունը, եւ Դ. Բալայանը չի ընտրվել ՍԴ դատավոր:



ԶԳ-ական պատգամավորները առանձին հանդիպումներ են սկսել բռնի տեղահանված արցախցիների հետ: Իշխանական առանձին պատգամավորներ պարբերաբար հանդիպումներ են ունենում վարչական այս կամ այն շրջանում բնակություն հաստատած արցախցիների հետ: Մեր տեղեկություններով՝ հանդիպումները նպատակ ունեն ստուգել արցախցիների տրամադրությունը, սիրաշահել նրանց, քանի որ որեւէ մեկի համար գաղտնիք չէ արցախահայերի վերաբերմունքը իրենց հայրենիքը հանձնած փաշինյանական իշխանությունների ներկայացուցիչների նկատմամբ: Ըստ էության, այս հանդիպումներն ավելի շատ, կարելի է ասել, ցուցադրական բնույթ են կրում արցախցիներին ցույց տալու, թե մտահոգ են իրենց ճակատագրով: Միևնույն փաստ է, որ մինչ այսօր էլ տեղահանված արցախցիների սոցիալական խնդիրները չլուծված են մնում, տուն ու աշխատանք չունեն, փաստաթղթեր չունեն, իսկ համապատասխան կառույցները, խնդիրը լուծելու փոխարեն, իրար վրա են գցում արցախցիների դիմումները:



ՔԱՂԱՔԱԿԱՆ

ԶՐՈՒՅՑ

«ԱՐԴԵՆ ԵՐԵՎԱՆՈՒՄ ԵՆ ԽՐԱՄԱՏՆԵՐ ՓՈՐՈՒՄ»

Երեւանի ավագանու որոշմամբ՝ ավագանու «Մայր Հայաստան» խմբակցության 2 անդամների՝ Սոնա Աղեկյանին և Նարինե Հայրապետյանին զրկեցին մանդատից:

Օրակարգում նաեւ Զարուհի Փոստանջյանի հարցն էր, սակայն իշխանությունները բարեհաճ վերաբերմունք ցուցաբերեցին նրա նկատմամբ ու մանդատից չզրկեցին:

Ավագանիում կատարվող վերջին իրադարձությունների մասին ArmLur.am-ը գրուցել է Զարուհի Փոստանջյանի հետ:

Տիկին Փոստանջյան, զրույցը սկսեց ավագանիում տեղի ունեցող վերջին իրադարձություններից: Ձեր թիմակիցներից երկուսին՝ Սոնա Աղեկյանին և Նարինե Հայրապետյանին, ավագանին որոշմամբ զրկեց մանդատից: Օրակարգում նաեւ Ձեր հարցն էր դրված, բայց իշխանությունները որոշակի բարեհաճ վերաբերմունք ցուցաբերեցին Ձեր նկատմամբ եւ Ձեզ չզրկեցին մանդատից, թեւէ Դուք, ի տարբերություն Սոնա Աղեկյանի եւ Նարինե Հայրապետյանի, հենց ավագանու առաջին նիստից չէք մասնակցել: Ձեզ համար հասկանալի էր՝ որն է պատճառն այս վերաբերմունքի:

Նախ ասեմ, որ իշխանությունների բարեհաճության խնդիրը չէ. Դուք տեսաք, որ նրանք առաջարկել էին, նաեւ կողմ քվեարկեցին, որպեսզի դադարի ավագանու անդամների մասնակցությունը ավագանիում: Այսինքն՝ երկու ձայն չբավարարեց, թե չէ իրենք ցանկանում էին ու մինչեւ վերջ տանում էին: Ինչո՞ւ այդպիսի խտրական մոտեցմամբ ներկայացվեց 5 մանդատի վերաբերյալ որոշում, բայց անցավ երեքը. ակնհայտ է՝ եթե ինչ-որ մի գործընթաց է տեղի ունենում, ապա այդ գործընթացը չպիտի լինի ուղղակի հայտարարություններով, թե նրանք անհարգելի բացակայել են, այլ պետք է ամեն մեկի եւ յուրաքանչյուր բացակայության վերաբերյալ տրվեր պարզաբանում, հիմնավորում եւ պատճառաբանություն, որպեսզի հասկանալի լիներ՝ դրանք իրապես անհարգելի էին, թե հարգելի, որովհետեւ քաղաքական մարմնում ընդգրկված անդամները իրավունք ունեն նաեւ բացակայել, եւ բացակայելու պետք է դիտարկվեն հարգելի, որովհետեւ դա քաղաքական դիրքորոշում է: Այսինքն՝ բացակայում ես ինչի՞ց՝ քվեարկելուց, չես ուզում քվեարկել. դա նույնպես ընդգծված քաղաքական մոտեցում է, ես իմ դիրքորոշումը այդպես եմ հայտնում: Դա օրենքով սահմանված իրավունք է, որից դու կարող ես օգտվել: Ակնհայտ է, որ որեւիցե մեկին պարզաբանում չի տրամադրվել, թե ինչու է այդ մարդը բացակայել, եւ երկրորդ հարցը՝ բացակայությունը եղել է հարգելի, թե ոչ հարգելի: Տիկին Փոստանջյան, «Հանրային ձայն»-ը ինչո՞ւ չլիցիտացվեց Ձեր դեմ քվեարկությանը:



Ես չեմ կարող ասել, որովհետեւ ես իրենց հետ ընդհանրապես որեւիցե հարաբերություններ չունեմ, նույնիսկ ես անձնապես իրենց չեմ ճանաչում: Նրանք ինչ-որ հիմնավորումներ հավանաբար ներկայացրել են կամ ունեն:

Տիկին Փոստանջյան, ի՞նչ եք պատրաստվում անել, հնարավոր է՝ որոշում կայացնեք ու անձամբ հրաժարվեք մանդատից:

Զրույցը ԹԻՄՍԻՆԱ ՍՈՒՇԵՂՅԱՆ



ԿՆՆՈՐՉԵՆ «ՊԱՏՎԱՎՈՐ ԲԱՂԱՔԱՅԻ» ԿՈՉՈՒՄԸ

Երեւանի ավագանին առաջարկում է քաղաքապետի խորհրդական Կամո Արեւանյանը շնորհել «Երեւանի պատվավոր քաղաքացի» կոչում:

«Ժողովուրդ» օրաթերթը տեղեկացավ, որ այդ հարցը քննարկվելու է ավագանու մարտի 12-ի նիստում. թեւէ նիստի օրակարգը դեռ չի հրապարակվել քաղաքապետարանի կայքէջում, բայց մեզ ավագանու անդամները փոխանցեցին, որ հարցն ընդգրկված է առաջիկա նիստի օրակարգում:

Նշենք, որ Կամո Արեւանյանը քաղաքապետարանի հնաբնակներից է. դեռ 1997-ից տարբեր պաշտոններ է զբաղեցրել քաղաքապետարանում:

Ուշագրավ է նաեւ, որ Կամո Արեւանյանը 334 անդամ է, 2013 թվականի մայիսի 5-ին 334 համամասնական ցուցակով ընտրվել է Երեւանի ավագանու անդամ եւ զբաղեցրել Երեւանի փոխքաղաքապետի պաշտոնը:

Թեւէ իշխանափոխությունից հետո շատերը պաշտոնանկ արվեցին, բայց Կամո Արեւանյանը շարունակում է մնալ քաղաքապետարանում. այժմ զբաղեցնում է Տիգրան Ավիսյանի խորհրդականի պաշտոնը:

ԵՐԿՈՒՄ-ԵՐԵՔ ԼԱՍՄԻՑ

Փոխվարչապետ Մեր Գրիգորյանը հավանական է համարում երկու-երեք ամսվա ընթացքում Հայաստանի եւ Ադրբեջանի սահմանազատման եւ սահմանագծման հարցերով հանձնաժողովների աշխատանքների մեթոդաբանության նախագծի հաստատումը: Մեր Գրիգորյանն այս մասին ասաց Ազգային ժողովում կառավարության անդամների հետ հարցուպատասխանի ժամանակ՝ պատասխանելով «Քաղաքացիական պայմանագիր» խմբակցության պատգամավոր Մեր Գրիգորյանի հարցին, թե Ադրբեջանի հետ սահմանագծման եւ սահմանազատման աշխատանքները որ փուլում են գտնվում, եւ ինչ ճանապարհային քարտեզ գոյություն ունի:

«Մենք առաջին փուլում քննարկեցինք եւ հաստատեցինք աշխատակարգը, որով նկարագրեցինք մեր շփումների արդյունքների ամփոփման եւ կազմակերպման ձեւը, հաստատեցինք երկու կառավարություններով:

Այս փուլում մենք քննարկում ենք համատեղ գործունեության կանոնակարգը, որը շատ ավելի շատ մեթոդական նկարագրություն է պարունակելու, եւ երբ մենք այդ աշխատանքները ավարտին հասցնենք, մենք երկու երկրներն էլ տվյալ փաստաթղթի նախագիծը կդնեն ներպետական շրջանառության մեջ: Կախված բովանդակությունից, թե ինչ կնկարագրվի, ինչ կունենանուկ կզանք, ըստ այդմ այդ փաստաթուղթը կշրջանառվի, ամենայն հավանականությամբ, որպես օրենսդրական նախագիծ»,- ասաց Գրիգորյանը:

Փոխվարչապետի կարծիքով՝ եթե երկու կողմերը սկզբունքային դիրքորոշումների շրջանակներում մնան, եւ իրենց նախագծման աշխատանքները բխի Ալմա-Աթայի հռչակագրից, ապա կարող են երկու-երեք ամսվա ընթացքում ունենալ կանոնակարգի նախագիծ, որը կպարունակի աշխատանքի մեթոդաբանությունը:

«Մեթոդաբանությունը հաստատելուց հետո շատ ժամանակ կպահանջի բուն գործընթացը՝ թե՛ սահմանազատման, թե՛ սահմանագծման, բայց, այնուամենայնիվ, բոլորիս հասկանալի կլինի, թե ինչու ենք զբաղված»,- եզրափակեց Գրիգորյանը:

Զ. ՍՈՒՇԵՂՅԱՆ

ԻՆՉՊԵՍ ՓՉԿԵՑ ՓՈՒՉԻԿԸ

ՄԵԾ ՄՊԵԿՈՒԼՅԱՅԻԱՄ ՓՈՔՐ ԵՐԿՐՈՒՄ

«Լուսավոր Հայաստան» կուսակցության կառավարման խորհրդի անդամ Գավիթ Խաժակյանը ֆեյսբուքյան իր էջում անդրադարձել է ֆարքեր հարցազրույցներում որոշ փորձագետների օգնություններին, թե Էրզրոյանը Ալիեւին զգուցացրել է Հայաստանի նկատմամբ ռսնձգություն չկիրառել:

Նա մասնավորապես գրել է. «Մեծ սպեկուլյացիա» փոքր երկրում: Մեկ շաբաթ շարունակ տարբեր հարցազրույցներում որոշ փորձագետներ պնդում են, թե Էրզրոյանը Ալիեւին զգուցացրել է Հայաստանի նկատմամբ ռսնձգություն չկիրառել: Սա կապում են Թուրքիայի ձգտումների հետ՝ հաճոյանալ Արեւմուտքին:

Եթե այս ձեւակերպումները, մասնավորապես՝ այն, որ Էրզրոյանը կարող է Ալիեւին նման կոչ հնչեցնել, ինձ աքսուրդային չթվալին, այսօր ժամանակ չէի ծախսի հասկանալու համար, թե ինչպես փչվեց այս փուշիկը:

Փետրվարի 19-ին՝ վերընտրվելուց հետո, առաջին անգամ Ալիեւը, բնականաբար, մեկնում է Անկարա: Էրզրոյանի հետ համատեղ առկախում նրանք հանդես են գալիս հայտարարություններով: Էրզրոյանը, Ադրբեջանի տարածքային ամբողջականության վերականգնումը կարելի էր կատարել, ասում է, որ «այս գործընթացում մենք միասին ենք գործում Ադրբեջանի հետ ուսուի տված», ապա շարունակում. «Շատ կարեւոր է, որ այս հնարավորությունների պատուհանը չփակվի: Վստահ եմ, որ Հայաստանը պետք է գնահատի այս գործընթացը՝ երկարաժամկետ ռազմավարական հեռանկարի տեսանկյունից»: Ընդ որում՝ սա խաղաղության պայմանագրի շուրջ Էրզրոյանի ոչ առաջին եւ ոչ էլ վերջին հայտարարությունն է, որը մշտապես համեմվում է ադրբեջանական պահանջներով: Ինչպիսի հիվանդ երեւակայություն կամ չար մտադրություն պետք է ունենալ՝ ասելու համար, թե սա Ադրբեջանին ուղղված խաղաղասիրական կոչ է...

Սա դեռ ամենը չէ. Էրզրոյանը բառացի շարունակում է. «Կոչ ենք անում երրորդ կողմերին կառուցողական ներդրում ունենալ գործընթացում, այլ ոչ թե թունավորել այն»: Մեր ռուսաստայց գործիչները, որ չեն կարող մեկ հանրային խոսք ասել առանց կրկնելու «ռուս-թուրքական դաշինք» արտահայտությունը, այս անգամ, չգիտես՝ ինչու, որոշել են, որ այս խոսքը ուղղված է Ռուսաստանին: Այո, Էրզրոյանը հստակ չի նշում, թե ում է ուղղված իր խոսքը: Կարելի է ենթադրել, որ այն ուղղված է Ֆրանսիային, քանի որ մինչ այդ հենց Ֆրանսիային էր Ադրբեջանը մեղադրում կողմնապահ լինելու մեջ: Ադրբեջանը ինքն է խոսել ռուսական միջնորդության մասին, Թուրքիան որեւէ այլ ֆորմատում, քան հենց ռուսականը, ներգրավված չէ հայ-ադրբեջանական հարաբերությունների կարգավորման հարցում: Ո՞ր տրամաբանությամբ այս խոսքը պետք է ուղղված լիներ Ռուսաստանին»:

Զ. ՍՈՒՇԵՂՅԱՆ

ԻՐԱՎԻՃԱԿ

ՌԴ-ՀԱՅԱՍՏԱՆ

«ՄԵՆՔ ԸՆԲՐՈՒՆԱԿՈՒՄ ԵՆՔ ՀՈՒՄԱԿ»

ՆԱԽԱՐԱՐՆԵՐԻ ՀԱՆԳԻՊՈՒՄԸ

Հայաստանի Հանրապետության արտաքին գործերի նախարար Արարատ Միրզոյանը փետրվարի 28-ին Բեռլինում հանդիպում է ունեցել...

Ինչպես տեղեկանում ենք ՀՀ ԱԳ նախարարության տարածած հաղորդագրությունից, քննարկվել են տարածաշրջանային անվտանգության հարցեր:

Արարատ Միրզոյանն իր գործընկերոջն է ներկայացրել Հայաստան-Ադրբեջան միջպետական հարաբերությունների կարգավորման գործընթացին...

ՀԱՄԱԳՈՐԾԱԿՑՈՒԹՅՈՒՆ

«Հայաստանն ու Իրաքը համագործակցությունը խորացնելու մեծ հնարավորություններ ունեն, որոնք պարտավոր են օգտագործել»,- Բաղդադի համալսարանում ուսանողների հետ հանդիպման ասաց ՀՀ նախագահ Վահագն Սահակյանը...

«Մենք համագործակցության մեծ հնարավորություններ ունենք, եւ մենք պարտավոր ենք այդ հնարավորություններն օգտագործել: Խոսքս վերաբերում է ինչպես երկու երկրների պատասխանատու քաղաքական գործիչներին, այնպես էլ ժողովուրդներին: Մեր քննարկումները եւ՝ Իրաքի նախագահի, եւ՝ վարչապետի, եւ՝ այլ բարձրաստիճան պաշտոնյաների հետ հանդիպումների ժամանակ այդ շրջանակներում են եղել»,- ընդգծեց Սահակյանը:

Նախագահը հիշեցրեց, որ Հայաստանն ու Իրաքը դիվանագիտական հարաբերություններ են հաստատել 1992 թվականին, Հայաստանը դեսպանատուն ունի Բաղդադում, Իրաքը՝ Երեւանում: Նրա խոսքով՝ վերջին տարիներին երկու դեսպանատների աշխատանքները բավականին ակտիվացել են:

«Մերո համագործակցություն կա միջազգային տարբեր հարթակներում: Մենք երբեիցե որեւէ որոշման չենք համաձայնվել, որը կհակասի երկու երկրների շահերին: Այսինքն՝ բոլոր հիմքերը կան, որպեսզի մեր բարիդրացիական, պատմական, մշակութային, քաղաքակրթական կապերն օգտագործենք մեր այսօրվա կյանքը բարելավելու, մեր երկրների քաղաքացիների բարեկեցությունը ապահովելու համար»,- եզրափակեց ՀՀ նախագահը:

«Ռուսաստանը հայտարարում է, որ Մոսկվան եւ Երեւանը մնում են դաճակիցներ, եւ երկկողմ հարաբերություններում դա է կարեւորը»,- հարցին անդրադարձել է Ռուսաստանի Գաճակության ԱԳՆ դաճակության ներկայացուցիչ Մարիա Զախարովան՝ փետրվարի 28-ին ամենուրեքայա ճեղագրույցի ընթացքում անդրադառնալով ՀՀ վարչապետ Նիկոլ Փաշինյանի այն հայտարարությանը, որ ՌԳ-ից 2023թ. Հայաստանում իշխանությունը սաղարկելու կոչեր են հնչել:

«Մենք ունենք պաշտոնական հարաբերություններ, երկկողմ հետաքրքրություն ներկայացնող հարցերը քննարկելու վստահելի խողովակներ, որտեղ կետ առ կետ կարող ենք անդրադառնալ բոլոր խնդիրներին: Վստահեցնում եմ, որ ՌԴ ոչ մի պաշտոնյա ոչ միայն Հայաստանի, այլեւ որեւէ սուվերեն պետության իշխանությունների տապալման ուղղված որեւէ հայտարարություն չի արել: Կարծում եմ՝ պետք չէ ուշադրություն դարձնել որեւէ լրագրողի կամ լրատվամիջոցի՝ այդ առթիվ արված հիմար հայտարարությանը. լրագրողները թող ազատ զբաղվեն իրենց աշխատանքով»,- ասել է Զախարովան՝ հավելելով, որ եթե, այնուամենայնիվ, նման փաստեր կան, դրանք կարող են երկկողմ քննարկման առարկա դառնալ:

«Ռուսաստանը ելակետային է համարում այն, որ Հայաստանը հանդիսանում է ՀԱՊԿ լիարժեք անդամ՝ բոլոր պարտավորություններով ու իրավունքներով հանդերձ»,- ասել է Ռուսաստանի Դաշնության ԱԳՆ պաշտոնական ներկայացուցիչ Մարիա Զախարովան՝ անդրադառնալով «Ֆրանս-24»-ին ՀՀ վարչապետ Նիկոլ Փաշինյանի այն հայտարարությանը, որի համաձայն՝ Հայաստանը գործնականում, ըստ էության, սառեցրել է մասնակցությունը Հավաքական անվտանգության պայմանագրի կազմակերպությունում:

Զախարովան նշել է, թե ՀԱՊԿ միջոցառումներին Երեւանի մասնակցությունը դիմաժխտելով կերպով նվազել է, «ինչը Հայաստանի անվտանգության շահերից չի բխում»:

«Մենք կտրականապես անընդունելի ենք համարում Հայաստանի Հանրապետության կողմից ՀԱՊԿ-ին ուղղված մեղադրանքներն այն մասին, որ կառույցը չի կատարել Երեւանի հանդեպ ստանդարտ պարտավորությունները 2021-22թթ.-ին տարածաշրջանում տեղի ունեցած հայտնի իրադարձությունների համատեքստում: Ցանկանում ենք հիշեցնել, որ 2021թ. սեպտեմբերին հայկական կողմի խնդրանքով օպերատիվ կերպով կազմավորվել է զնահատող առաքելությանը ՀՀ սահմանները շրջաններ է գործուղվել ՀԱՊԿ քարտուղարության եւ միացյալ շտաբի ներկայացուցչական պատվիրակությունը: Արդյունքում որոշում էր կայացվել ՀԱՊԿ կողմից մոնիթորինգային առաքելություն ուղարկելու համար, սակայն ՀՀ իշխանությունների կողմից առաջարկը մերժվել էր: Ավելին՝ փոխարենը պաշտոնական Երեւանը նախընտրել է հրավիրել Եվրա-



տության կողմից ՀԱՊԿ-ին ուղղված մեղադրանքներն այն մասին, որ կառույցը չի կատարել Երեւանի հանդեպ ստանդարտ պարտավորությունները 2021-22թթ.-ին տարածաշրջանում տեղի ունեցած հայտնի իրադարձությունների համատեքստում: Ցանկանում ենք հիշեցնել, որ 2021թ. սեպտեմբերին հայկական կողմի խնդրանքով օպերատիվ կերպով կազմավորվել է զնահատող առաքելությանը ՀՀ սահմանները շրջաններ է գործուղվել ՀԱՊԿ քարտուղարության եւ միացյալ շտաբի ներկայացուցչական պատվիրակությունը: Արդյունքում որոշում էր կայացվել ՀԱՊԿ կողմից մոնիթորինգային առաքելություն ուղարկելու համար, սակայն ՀՀ իշխանությունների կողմից առաջարկը մերժվել էր: Ավելին՝ փոխարենը պաշտոնական Երեւանը նախընտրել է հրավիրել Եվրա-

միության դիտորդական առաքելությանը: Ամեն դեպքում, մենք շարունակում ենք ելակետային համարել այն, որ Հայաստանը հանդիսանում է ՀԱՊԿ լիարժեք անդամ՝ բոլոր պարտավորություններով ու իրավունքներով հանդերձ: Չնայած պետք է նշենք, որ, ցավոք, ՀԱՊԿ միջոցառումներին Երեւանի մասնակցությունը դիմաժխտելով կերպով նվազել է, ինչը Հայաստանի անվտանգության շահերից չի բխում: Մենք շարունակում ենք հուսալ, որ Երեւանում, այնուամենայնիվ, կգան այն հետեւությանը, որ առկա խնդիրների լուծման համար անհրաժեշտ է գործընկերների հետ վստահության մթնոլորտում հանգիստ պայմաններում քննարկումների կազմակերպումը»,- ասել է ՌԴ ԱԳՆ պաշտոնական ներկայացուցիչը: ՍՈՍԱ ԳՐԻԳՈՐՅԱՆ

ԵԼՈՒՅՑ

«ԱԶՆԻՎ ԸՆԿԵՐ ՈՒ ԴԱՇՆԱԿԻՑ ՉԻ ԵՂԵԼ»

Եվրոպական խորհրդարանի Հայաստան-ԵՄ հարաբերությունների վերաբերյալ նիստում ելույթ է ունեցել Եվրախորհրդարանի բուլղարացի դաճակագր, Հայաստանի հարցերով զեկուցող Անդրեյ Կովաչեւը:

«Մենք միշտ աջակցել ենք Հայաստանի բարեփոխումներին՝ ուղղված տարածաշրջանում կայունության հաստատմանն ու ժողովրդավարությանը: Մենք տարածաշրջանում խաղաղության եւ Հայաստանի ու Ադրբեջանի միջեւ թշնամության վերացման կողմնակից ենք:

Պետք է նշել Ռուսաստանի ցինիկ պահվածքը: Հայաստանը հույսը դրեց նրա հանձնառության վրա եւ խաբվեց: Տրամաբանորեն սա հանգեցրեց նրան, որ Հայաստանի վարչապետ Փաշինյանը սառեցրեց իր երկրի անդամակցությունը ՀԱՊԿ-ին: Ռուսաստանը երբեք ազնիվ ընկեր ու դաշնակից չի եղել Հայաստանի համար եւ

միշտ հետեւել է իր իմպերիալիստական ծրագրերին տարածաշրջանում ու աշխարհում:

Մյուս կողմից՝ Եվրամիությունը մեծ հետաքրքրություն ունի Հարավային Կովկասում քաղաքական կայունության եւ տնտեսական բարգավաճման հարցում: Այս տեսանկյունից ԵՄ-Հայաստան հարաբերությունների խորացումը վճռորոշ է: ԵՄ-ն զարգացման ամենամեծ դուռն է Հայաստանում, առեւտրային երկրորդ գործընկերը: ԵՄ-Հայաստան հարաբերությունները երբեք այսքան ամուր եւ բազմակողմանի չեն եղել, եւ գործընկերային համաձայնագիրը Հայաստանն օգտագործում է ներքին բարեփոխումների իրականացման համար:

Միաժամանակ Հայաստան-Ադրբեջան չկարգավորված հարաբերությունները խոչընդոտում են Հայաստանի սոցիալ-տնտեսական զարգացումն ու կայունությունը տարածաշրջանում:

Ես աջակցում եմ վարչապետ Փաշինյանի ջանքերին Ադրբեջանի հետ երկկողմ եւ բազմակողմ քննարկումներ անցկացնելու հարցում՝ հասնելու խաղաղության երկու հարեւանների միջեւ, հետեւելով երեք սկզբունքի՝ ուժի չկիրառում, հավասար իրավունքներ եւ ժողովուրդների ինքնորոշում:

Մենք Հայաստանի հետ պետք է խորացնենք հարաբերությունները տնտեսական, ֆինանսական, սոցիալական, անվտանգության եւ պաշտպանության ոլորտներում: Հայաստանը մենակ չէ, մենք պետք է հնարավորինս շուտ տրամադրենք վիզայի ազատակալանքում այդ հանրապետությանը: Եվրամիությունը Հայաստանի եւ խիզախ հայ ժողովրդի հետ է»,- ասել է Կովաչեւը:

Բուլղարացի պատգամավորը խոսքն ավարտել է հայերեն. «Աստված պահպան Հայաստանին»:

Ս. ԳՐԻԳՈՐՅԱՆ

ՀԱՅՏԱՐԱՐՈՒԹՅՈՒՆ

ԳՈՐԾԻ ԲՆՆՈՒԹՅՈՒՆԸ՝ ՕԲՅԵԿՏԻՎՈՒԹՅԱՆ ՊԱՂԱՆՄԱՄԲ

Տիրան Խաչատրյանի դաժնամահի խումբը հայտարարություն է արձակել...



Սեր պնդմամբ՝ նույնիսկ թերի եւ օրենքի բազմաթիվ խախտումներով իրականացված քրեական վարույթի ընթացքում ձեռք բերված ապացույցները համակցությամբ ամբողջովին հերքում են Տիրան Խաչատրյանին առաջադրված «գեղեցիկ գործարարմամբ խուլիգանություն կատարած լինելու» մեղադրանքը...

ՔՐԵԱԿԱՆ

ՆԱԽԱՔՆՆՈՒԹՅԱՆ ԱՎԱՐՏ

Ավարտվել է 2023թ. դեկտեմբերի 19-ին Գեղարքունիքի մարզում մի խումբ անձանց կողմից կատարված կողոպուտի, խուլիգանության, ինչպես նաև պաշտոնատար անձի օրինական ծառայողական գործունեությանը բռնությամբ միջամտելու դեպքի նախաքննությունը՝ եւս 5 մեղադրյալի մասով:

ՀՀ քննչական կոմիտեի ՀԿԳ քննության գլխավոր վարչության մարզու ղեկ ուղղված հանցագործությունների քննության վարչության իրականացված քննությամբ պարզվել է, որ հիմնավորվել է, որ Նորատուս գյուղի հիշյալ 5 բնակիչները, իրենց եւ հարակից բնակավայրերի տասնյակ այլ ձկորսների հետ, տեղեկանալով «Սեւան» ազգային պարկ» ՊՈԱԿ-ի աշխատակիցների եւ ՀՀ ՆԳՆ ոստիկանության ջրային պարեկների՝ դեկտեմբերի 19-ին՝ Սեւանա լիճ նախատեսված շրջայցի եւ այդ ընթացքում իրենց կողմից լճում ապօրինի տեղադրված ձկնորսական ցանցերի հնարավոր դուրսբերման մասին, նպատակադրվել են միջամտել վերջիններիս օրինական ծառայողական գործունեությանը:

Ձկնորսները մտորանավակներով, դիմակավորված մոտեցել են հիշյալ պաշտոնատար անձանց, շրջապատել նրանց նավակները՝ միաժամանակ պահանջելով լճից դուրս չբերել իրենց ձկնորսական ցանցերն ու այլ պարագաները:

Մերժում ստանալով՝ դիմակավորված անձինք, այդ թվում՝ ինքնուրույնները պարզված Գեղարքունիքի մարզի Նշված 5 բնակիչները, իրավական եւ բարոյական նորմերի նկատմամբ բացահայտ արհամարհական վերաբերմունք ցուցաբերելով, նախ հայտնաբերել են ինչեզրել շրջայց կատարող աշխատակիցների հասցեին, ապա նրանց մի մասը ջրով եւ դյուրավառ հեղուկներով լցված շշեր, փայտեր, երկաթյա առարկաներ են նետել նախ վրա գտնվող աշխատակիցների ուղղությամբ:

Հանցավոր արարքների կատարման համար ինքնուրույնները պարզված 5 անձանցից մեկին մեղադրանք է ներկայացվել՝ ՀՀ քրեական օրենսգրքի 297-րդ հոդվածի 2-րդ մասի 1-ին կետով, 452-րդ հոդվածի 3-րդ մասով, երկրորդին՝ 297-րդ հոդվածի 3-րդ մասով եւ 452-րդ հոդվածի 4-րդ մասի 2-րդ կետով, մտորանավակը հափշտակված 35-ամյա տղամարդուն՝ 253-րդ հոդվածի 3-րդ մասի 4-րդ կետով եւ 297-րդ հոդվածի 2-րդ մասի 1-ին կետով, մյուս երկուսին՝ միայն 297-րդ հոդվածի 2-րդ մասի 1-ին կետով:

Նրանցից 4-ի նկատմամբ որպես խախտման միջոց է ընտրվել կալանավորումը, մեկի նկատմամբ՝ բացակայելու արգելքը:

Նշված 5 մեղադրյալների մասով նախաքննությունն ավարտվել է, եւ նրանց վերաբերյալ վարույթի նյութերը՝ մեղադրական եզրակացությամբ, ուղարկվել են հսկող դատախազին՝ հաստատելու եւ դատարան ուղարկելու համար:

Խուլիգանական արարքներին մասնակցած այլ անձանց մասով նախաքննությունը շարունակվում է:

ԱՄՓՈՓՎԵԼ ԵՆ

ԴԱՏԱԽԱԶՈՒԹՅԱՆ ԱՇԽԱՏԱՆՔԸ

Հայաստանի Հանրապետության գլխավոր դատախազ Աննա Վարդապետյանի գլխավորությամբ փետրվարի 28-ին ամփոփվել են Կենտրոն եւ Նորմալ Մարազ վարչական երջանների դատախազության 2023 թվականի աշխատանքները:

Կենտրոն եւ Նորմալ Մարազ վարչական շրջանի դատախազ Արամ Արամյանի տեղեկացմամբ՝ 2023 թվականի ընթացքում գրանցվել է հանցագործությունների 4313 դեպք (2022 թվականին՝ 4955 դեպք): 2023 թվականի ընթացքում արձանագրվել է ծանր հանցագործությունների 587 դեպք՝ 2022 թվականի 741 դեպքի դիմաց: Բացահայտման ցուցանիշը 2023 թվականին կազմել է 30.6%՝ 2022 թվականի 20.6%-ի դիմաց: Իրացնելու նպատակով թմրամիջոցների ապօրինի շրջանառության դեպքերն աճել են 39.6%-ով, արձանագրվել է 187 դեպք՝ 2022 թվականի 134 դեպքի դիմաց:

2023 թվականի ընթացքում արձանագրված սեփականության դեմ ուղղված հանցագործությունների դեպքերի թիվը, 2022 թվականի համեմատ, նվազել է 385-ով, 2023 թվականին արձանագրվել է 1700 դեպք:

Կենտրոն եւ Նորմալ Մարազ վարչական շրջանի դատախազության կողմից 2023 թվականին մեղադրական եզրակացությամբ դատարան է ուղարկվել 566 քրեական վարույթ՝ 635 անձի վերաբերյալ (2022 թվականին՝ 375 քրեական գործ (վարույթ)):

Արամ Արամյանի խոսքով՝ 2023 թվականին պետական (համայնքային) շահերի պաշտպանության ոլորտում կատարվել են մի շարք ուսումնասիրություններ: Ուսումնասիրությունների ընթացքում տվյալներ են ստացվել այն մասին, որ բարձրաստիճան պետական պաշտոնատար անձանց կողմից իրենց պաշտոնական լիազորությունների չարաշահման արդյունքում Երեւան քաղաքի Պուշկինի

2, Կողբացու 50ա, Մոսկովյան փողոցի 29/4, Արթուրյան 8 եւ Արթուրյան 10 հասցեներում գտնվող շենքերի եւ շինությունների օտարումն իրականացվել է օրենսդրության կոպիտ խախտումներով, իսկ հետագայում իրավասու պետական պաշտոնատար անձանց կողմից որեւէ միջոց չի ձեռնարկվել առանձնապես խոշոր արժեք ունեցող վերոնշյալ գույքերը պետությանը վերադարձնելու ուղղությամբ:

Վերոնշյալ ուսումնասիրությունների արդյունքում վարչական շրջանների դատախազության կողմից Հակակոռուպցիոն կոմիտե է ներկայացվել հանցագործության մասին 5 հաղորդում, նախաձեռնվել է 5 քրեական վարույթ: Ոչ իրավաչափ եղանակով օտարված վերոնշյալ անշարժ գույքերը պետությանը եւ համայնքին վերադարձնելու նպատակով Վարչական դատարան է ներկայացվել 2 դիմում եւ 3 հայցադիմում, որոնք ընդունվել են վարույթ:

Ք. ԱՄՆՈՒԿՅԱՆ

● Ըստ ոստիկանության տվյալների՝ փետրվարի 27-ից 28-ը ՀՀ ՆԳՆ ոստիկանության ստորաբաժանումները բացահայտել են հանցագործության 130 դեպք, որոնցից 4-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ՀԵՌԱՆՈՒՄ ԵՆ ՏԱՎՈՒՇԻՑ

Տավուշի մարզպետ Յայկ Ղալոմյանը փետրվարի 26-ին ընդունել է Արցախից բռնի տեղահանված եւ Տավուշի մարզում վերաբնակեցված մի շարք անձանց:

ԵՐԿԱԹՈՒՂԻՆ ԴԱՏԻ Է ՏՎԵԼ

Երեւան քաղաքում գրանցված «Յարավկովկասյան երկաթուղի» ՓԲԸ-ի ներկայացուցիչ Արտակ Երեմյանը 2023թ. հոկտեմբերի 7-ին հայցադիմում է ներկայացրել Տավուշի մարզի առաջին ատյանի դատարան՝ ընդդեմ Իջեւան քաղաքում գրանցված անհատ ձեռներեց «Հեն-րիկ Մուսայեյանի»:

ՕԳՆՈՒԹՅՈՒՆ

Դիլիջանի համայնքապետարանի ինտերնետային կայքում հրատարակված է համայնքի բյուջեից սոցիալական օգնություն ստացած քաղաքացիների ցանկը:

ՆՍԿԱՆ ՍԱՐԳՅԱՆ Տավուշ

ԷԼԵԿՏՐՈՆԱՅԻՆ ԴԵՂԱՏՈՄՍ

ՇՐՋԱՆԱՌՈՒԹՅԱՆ ԱՐԴՅՈՒՆԱՎԵՑ ՎԵՐԱՀՄԿՈՒՄ


Մարտից ուժի մեջ են մտնում ՀՀ էլեկտրոնային առողջապահական համակարգի փոփոխությունները, ըստ որոնց՝ ընդլայնվում է էլեկտրոնային դեղասուսերով բաց թողնվող դեղերի ցանկը:

ՀՀ առողջապահության նախարարի տեղակալ Արտակ Զումայանը նշեց, որ էլեկտրոնային դեղատոմսի համակարգի ներդրումը կատարվում է փուլային տարբերակով:

«Սկզբում էլեկտրոնային դեղատոմսով բաց են թողնվել կենտրոնական գնումներով ստացվածները: Այսօր, որ դա մեկնարկել է, ենք մեկ փուլիկից բազային հիման վրա, որպեսզի վեր հանվեն տեխնիկական խնդիրները: Այնուհետև այն տարածվել է Հայաստանի ամբողջ առաջնային օղակի վրա: Երկրորդ փուլով արդեն ներդրվել է անվճար եւ արտոնյալ պայմաններով ստացված դեղերի դուրսգրման բաղադրիչը: Արդեն այս փուլում որոշ դեղեր դուրս կգրվեն միայն էլեկտրոնային եղանակով»,-ասաց Արտակ Զումայանը:

Առողջապահության ազգային ինստիտուտի էլեկտրոնային առողջապահության ներդրման բաժնի ղեկավար Ծաղկանուշ Սարգսյանը տեղեկացրեց, որ համապատասխան գործիքակազմը ներդրված է, թվային համակարգն ամբողջությամբ պատրաստ է:

«Համակարգն աշխատելու է հետեւյալ սկզբունքով. բժիշկն էլեկտրոնային տարբերակով «Արմեդ» համակարգի միջոցով, դուրս է գրելու դեղը, նշելու է դեղի ազդող կայուն, անհրաժեշտ քանակը, որից հետո բուժառնուն գնում է դեղատոմս, որտեղ էլ քաղաքացու անունով փնտրվում է



դեղատոմսը: Այսինքն՝ դեղատոմսը դեղատոմսը հասանելի չէ, քանի դեռ բուժառնուն չի դիմել իրեն: Ստեղծված է համապատասխան գործիքակազմ, որ դեղատոմս աշխատողն այդ հարթակում նշի, թե քանի դեղ է տրամադրել բուժառնուն: Դա նշանակում է, որ բուժառնուն պարտավորված չէ հենց սկզբից մի անգամից ամբողջ նշանակած դեղը գնել: Բուժառնուն շարունակելու է ունենալ դեղերը մասնա գնելու հնարավորություն: Դեղատոմս ամբողջությամբ փակված կհամարվի այն ժամանակ, մինչև բուժառնուն դեղատոմսով նշված բոլոր դեղերը կգնի»,-ասաց Ծաղկանուշ Սարգսյանը:

Պարտադիր պայման է, որ բուժառնուն դեղատոմս ներկայանա անձը հաստատող փաստաթղթով: Եթե ամեն դեպքում, ինչ-ինչ հարցերով պայմանավորված, բուժառնուն չի կարող մոտենալ դեղատոմս, ապա բժիշկը կարող է լիազորված անձի տվյալները եւս մուտքագրել համակարգ, որից հետո վերջինս անձը հաստատող փաստաթղթով կարող է արդեն դեղատոմսից գնել դեղը: Էլեկտրոնային դեղատոմսը

սպասարկելու համար դեղատոմս բոլոր աշխատողները պետք է գրանցված լինեն «Արմեդ» համակարգում: Հարցերի դեպքում կարող են զանգահարել «Արմեդ»-ի զանգերի կենտրոն, որն աշխատում է 24 ժամ, կամ կարող են զանգահարել Առողջապահության նախարարություն՝ համապատասխան ուղեցույցներին ծանոթանալու համար: Պատասխանատուները տեղեկացրին, որ դեղատոմսը որեւէ գումար չէն ծախսելու: Ընդամենն անհրաժեշտ է համակարգիչին ինտերնետ, որեւէ այլ ներդրում դեղատոմս կողմից չի պահանջվում:

Էլեկտրոնային դեղատոմսի համակարգի ներդրումը հնարավորություն կտա արդյունավետ վերահսկել դեղերի շրջանառության ամբողջ հետագիծը՝ դեղը Հայաստան մուտք գործելու պահից մինչև բուժառնուն հասնելը, դեղի բարդությունները, վատ ազդեցությունը եւ այլն: Դրանից բացի, բուժառնունների բժիշկների համար կհեշտացվի գործընթացը, կկրճատվի թղթային շրջանառությունը, ինչպես նաեւ ժամանակը:

ՆԱՆԻԿ ԱՐԱՍՅԱՆ

ՓՈՓՈԽՈՒԹՅՈՒՆ

ԿՅՄԱՆՔԻ ՊԱՐԳԵՎ՝ ՄԱՐԻՑ ՀԵՏՈ

Կառավարությունն առաջարկում է օրենսդրական ամրագրում սալ «Կենսաբանական մահ» հասկացությանը, ինչպես նաեւ սահմանել օրենսդրական հիմք՝ լիազոր մարմնի կողմից մարդու ուղեղային կամ կենսաբանական մահվան փաստն արձանագրելուց հետո փոխադասված մարդու կողմից վերցվող օրգանների ցանկը հաստատելու համար. Ազգային ժողովում այս մասին ասաց ՀՀ առողջապահության նախարարի տեղակալ Արմեն Գասադարյանը՝ ներկայացնելով ««Մարդու օրգաններ եւ (կամ) հյուսվածքներ փոխադասված մասին» օրենքում փոփոխություններ եւ լրացումներ կատարելու մասին» օրենքի նախագիծը:

րող հիմնական օրենսդրական ակտերը ենթարկվել են բազմաթիվ էական փոփոխությունների, ուստի օրենքի եւ այլ ոլորտային օրենքների միջև համապատասխանությունն ապահովելու եւ փոխադասված մարդու ուղեղային կամ կենսաբանական մահվան փաստն արձանագրելու կարգավորելու նպատակով անհրաժեշտություն է առաջացել սույն նախագծի մշակումը:

«Նախագծով կատարվող փոփոխության շրջանակներում օրենքում օգտագործվող հասկացություններում, ուղեղի մահից բացի, սահմանվում է նաեւ կենսաբանական մահվան հասկացությունը, ինչն անհրաժեշտ է որոշ օրգանների կամ հյուսվածքների փոխադասված մասին դեպքում:

Ներկա բժշկագիտությունը հնարավորություն է տալիս երիկամի, լյարդի եւ եղջերաթանաղանթի փոխադասված մասնակալով դոնորություն իրականացնել կենդանի կամ հաստատված մահվան փուլում գտնվող անձից հիվանդանոցային պայմաններում: Միեւնույն ժամանակ,

առավել ընդունելի եւ կիրառելի է մահացած մարդու մարմնից, դիակից եղջերաթանաղանթի դոնորությունը, որն իրականացվում է դիախեթարանային պայմաններում: Ուստի, մահացած մարդու մարմնից եղջերաթանաղանթի դիակային դոնորության դեպքում բժշկագիտորեն անընդունելի է ուղեղային մահվան փաստի հաստատումը, քանի որ այլեւս բացակայում են օրգանիզմի ֆիզիոլոգիական ողջ ֆունկցիաները եւ դրանց արհեստական ապահովումը դեղերի սնուցման եւ բժշկական սարքավորումների միջոցով:

Բացի օրենքով սահմանված կենդանի դոնորներից վերցվող փոխադասված մասնակալ օրգանների ցանկից, առողջապահության բնագավառի պետական կառավարման լիազոր մարմնին տրվում է լիազորություն՝ սահմանելու մարդու ուղեղային կամ կենսաբանական մահվան փաստը արձանագրելուց հետո փոխադասված մասնակալ վերցվող օրգանների ցանկը»,-ասաց փոխնախարարը:

Ն. ԱՐԱՍՅԱՆ

● Անցած 1 օրվա ընթացքում հանրապետությունում արձանագրվել է ճանապարհատրանսպորտային 6 պատահար. 13 մարդ ստացել է տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ԶԳԶԳՎՈՒՄ Է

ԷԱԿԱՆ ԽՆԴԻՐ ՈՒՆԵՆ

«Այնպես չէ, որ բոլոր դպրոցներում ժամանակին եւ որակյալ են ընթանում աշխատանքները: Կան դպրոցներ, որտեղ աշխատանքները արագացնելու խնդիր կա»,- փետրվարի 28-ին՝ կառավարության հետ հարցուպատասխանի ժամանակ, ասաց ԿԳՄՍ նախարար Ժաննա Անդրեասյանը՝ պատասխանելով «Հայաստան» խմբակցության պատգամավոր Արման Ղազարյանի հարցին, թե ինչու են Ներքին գետաշեն համայնքում դպրոցի շինարարական աշխատանքները ձգձգվում, ինչի պատճառով երեխաների մի մասը ստիպված են 3 կմ քայլել եւ այլ դպրոց հաճախել, մյուս մասի համար էլ դասապրոցներ մասնավոր առանձնատան է իրականացվում՝ սահմանված չափորոշիչների էական խախտումներով:

Ժաննա Անդրեասյանի խոսքով՝ այս պահին հանրապետությունում տասնյակ դպրոցներ եւ մանկապարտեզներ են կառուցվում, եւ դրանց շինարարությունը տարբեր տեմպերով է ընթանում՝ կախված նրանից, թե կապալառու ընկերություններն ինչ հզորություն ունեն եւ ինչպես են կարողանում իրենց վերցրած պայմանագրերը կառավարել: Նա չհերքեց, որ դպրոցներից շատերում աշխատանքները արագացնելու խնդիր կա:

«Վերջին տարիներին պետությունը էապես ավելացրել է կապիտալ ծախսերի միջոցները, միայն այս տարվա համար ԿԳՄՍ նախարարության բյուջետային հատկացումների շրջանակներում շուրջ 120 մլրդ դրամի կապիտալ ծախսեր կան, որոնք հենց դպրոցների եւ մանկապարտեզների շինարարությանն են ուղղված: Պարզ է նաեւ, որ մենք դաշտի կարողությունների գարգացման էական խնդիր ունենք, որպեսզի այս ծավալի շինարարության տեմպերը եւ որակը լինեն բավարար: Դա շարունակական ու հետեւողական աշխատանք է»,-հավելեց ԿԳՄՍ նախարարը:

Նա հույս հայտնեց նաեւ, որ Ներքին գետաշենի դպրոցում շուտով կկարողանան ավելի մեծ թափով աշխատանքները շարունակել, քանի որ նաեւ մոնիթորինգի մեխանիզմն են վերանայել: Ժաննա Անդրեասյանի խոսքով՝ մարզպետարանների հետ միասին պարբերաբար հսկողություն է իրականացվում, եւ փորձում են հետեւել, որ ժամկետների եւ որակի խնդիր չունենան:

Արման Ղազարյանի մյուս հարցին, թե երբ են սկսվելու Ներքին գետաշենի մանկապարտեզի շինարարության աշխատանքները, որի մրցույթը դեռեւս նախորդ տարի էր ավարտվել, նախարարը առաջարկեց գրավոր պատասխանել համայնքի հետ ժամկետները եւ աշխատանքի ընթացակարգը ճշտելուց հետո:

ԿԱՐԾԻՔ

«ՓՈՂ ՏՄԱՍ, ՊԻՇՆԵՄ» ԲԱՂԱՔԱԿԱՆՈՒԹՅԱՄԲ

Արցախի սարածային կառավարման եւ ենթակառուցվածքների նախկին նախարար Հայկ Խանունյանը ֆեյսբուքյան իր էջում գրել է, որ ՀՀ կառավարությունն առաջարկում է Արցախից բռնի տեղահանված անձանց խնդիրների երկարաժամկետ լուծման, մասնավորապես՝ բնակարանային աղահոլման համար շինարարական աշխատանքները արագացնել 3 մլն դրամի ԲԳՎ/սերտիֆիկատ (անչափահասներին անհատույց, չափահասներին՝ գումարի վերադարձի դայմանով):

«Ոնր որում բնակարանների գնման վկայականները տրվելու են 5 տարվա ընթացքում: Եթե լուծումը սերտիֆիկատն էր, հարց է՝ ինչու էին 6 ամիս մտածում. հոկտեմբեր-նոյեմբեր ամիսներին որոշումն ընդունեին, գնային առաջ, մասնավորապես նրան փորձ ունեն: Պետք է փաստել, որ արցախցիների ու նրանց ներկայացուցիչների հետ խնդիրների լուծման քննարկումներ կառավարության կողմից չի եղել: Միայն վերջերս Տիգրան Խաչատրյանը հրավիրել էր որոշ ներկայացուցիչների՝ ասելու այն, ինչ ասաց երեկ Պ. Ղազարյանի հետ հարցազրույցի ժամանակ: Կառավարությունը հաշվի չի առել ո՛չ միջազգային խորհրդատվական կազմակերպության ներկայացրած առաջարկները, ո՛չ արցախյան որոշ շրջանակների կողմից ներկայացված առաջարկները:

Ես հարցին նայում եմ Հայաստանի ժողովրդագրական խնդիրների լուծման տեսանկյունից եւ գտնում եմ, որ արցախցիների մեծ մասի բնակարանային խնդիրների լուծումը պետք է տրվեր ՀՀ թերթակետային մարզերում նոր բնակֆոնդի կառուցման ու ընտանեկան տնտեսությունների ստեղծման ճանապարհով՝ զարգացման նոր խթան հաղորդելով այդ մարզերին եւ վստահություն ներշնչելով տեղում բնակվող մարդկանց: Սակայն կառավարության «փող տամ, պրծնեմ» քաղաքականությունը բերելու է հակառակ արդյունքների. խնդիր ունեցող մարզերից դեպի Երեւան եւ երեսնամեծ մարզեր արտագաղթ է սկսվելու:



Կառավարությունում բացակայում է նախաձեռնողականությունը, օպերատիվությունը, ռազմավարական մտածելակերպը: Եվ սա մի նայեք արցախցիների բնակարանային խնդիր լուծման տեսանկյունից, սա նայե՛ք ՀՀ ժողովրդագրական խնդիր լուծման, տարածքային համաչափ զարգացման, անվտանգության տեսանկյունից: Առանց լուրջ բնակարանաշինության, անիմաստ թանկանալու է մարզերում գտնվող երկրորդային շուկայի տները: Ինչպես Արցախի վերաբնակիչների սերտիֆիկատների պարագայում գյուղական տները 3-4 միլիոնից արհեստականորեն բարձրացան 10 միլիոնի, հիմա էլ թանկացան նոր ալիք է սկսելու: Սա նաեւ հնարավորություն է տալու հայաստանյան մարզերի ընտանիքներին հնարավորինս բարձր գնով վաճառել իրենց տները, տեղափոխվել Երեւան կամ արտագաղթել Հայաստանից: Մեծ հաշվով, լավագույն դեպքում մենք ունենալու ենք տեղաբնիկ

բնակչության փոխարինում բռնի տեղահանվածներով՝ փոխանակ այդ մարզերում բնակչության թիվն ավելացնենք: Բյուրոկրատական սնորությունը հարթահարել է կարողացող, ընթացակարգերի մեջ խճճված կառավարությունն այլ արդյունքներ չի էլ կարող ակնկալել: Վկան՝ Շուռնուխում կառուցվող 13 առանձնատները, որոնք կառուցվում են 3 տարուց ավելի: Կարճ ասած՝ կառավարությունը ձախուղել է ոչ միայն պաշտպանության ու անվտանգության հարցերը, այլ նաեւ ժողովրդագրության, մարզերում կյանքը քիչ թե շատ հրապուրիչ դարձնելու քաղաքականությունը: Գյուղամիջյան կամ միջգյուղական ճանապարհների ասֆալտապատումը հաշիվ չեն, մինչեւ Արցախի կորուստը Արցախում 4-5 գյուղ էր մնացել, որ ասֆալտ չունեին, նույնիսկ 10-15 աշակերտ ունեցող գյուղերն էլ էին ասֆալտապատ»,-գրել է նա:

ԷՄՄԱ ՄԻՔԱՅԵԼՅԱՆ

ՀԱՅՎԱԿԱՆ ԶԱՐԴԵՐ

ԾԱՂԻԿՆԵՐ՝ ԽԱՉՔԱՐԵՐԻ ՄՈՏ

Ծիծեռնակաբերդի բարձունքում նւգեց ադրբեջանական ԽՍՀ-ում կազմակերպված հայկական ջարդերի գոհերի հիշատակի եւ բռնազաղծված հայ բնակչության իրավունքների դաժնաբանության օրը: Մուսկայիթի, Կիրովաբադի եւ Բաֆվի հայկական ջարդերի գոհերին նվիրված խաչքարերի մոտ ծաղիկներ խոնարհվեցին:

«Գարդման-Շիրվան-Նախիջեան» համահայկական միության նախագահ, ԱԺ պատգամավոր Վիլեն Գաբրիելյանը նշեց, որ Մուսկայիթի հայկական ջարդերով փաստացի սկսվեց հայ-ադրբեջանական հակամարտության արյունալի էջը, որը տևում է շուրջ 35 տարի:

«Մենք հարգանքի տուրք ենք մատուցում անմեղ գոհերի հիշատակին, որպեսզի նաեւ արձանագրենք, որ այդ ջարդերից հետո ադրբեջանական իշխանությունների կողմից տարվող էթնիկ գտման քաղաքականությունը կրել է շարունակական բնույթ, եւ հենց դրա հետեւանքով

2023 թվականին ավելի քան հարյուր հազար հայեր բռնի տեղահանվեցին Լեռնային Ղարաբաղից: Այդ մարդիկ ունեն իրավունքներ, որոնք ոտնահարվել են, եւ պետք է, ի վերջո, այդ իրավունքները վերականգնվեն»,- ասաց Գաբրիելյանը:

Նրա խոսքով՝ իրավական առումով մեր հայրենակիցների իրավունքների վերականգնման եւ փոխհատուցման համար կան որոշակի դժվարություններ: Երբ նախաձեռնվում է իրավական գործընթաց, ապա ձեռքի տակ եղած տեղեկատվությունը պետք է լինի ճշգրիտ եւ պատշաճ: Գաբրիելյանը տեղեկացրեց, որ «Գարդման-Շիրվան-Նախիջեան» համահայկական միությունը իրականացնում է բավականին ծավալուն աշխատանք, որպեսզի այն տեղեկատվությունը, որը գույքագրվել է տասնամյակներ առաջ, եւս մեկ անգամ ճշգրտվի, ինչից հետո կորոշվի, թե ինչպիսի իրավական մեխանիզմներ են օգտագործվելու հետագայում:

«Ինչ վերաբերում է դեռ այն ժամանակ բռնազանձված գույքին եւ մեր հայրենա-

կիցների փոխհատուցմանը, որոնց տեղահանումից հետո փաստացի տեղի է ունեցել ունեցվածքի թալան, ապա պետք է ասել, որ փոխհատուցման գործընթացը բավականին երկարատեւ ու ծավալուն աշխատանք է, որն իրականացվում է, եւ հույս ունենք, որ որոշակի արդյունքներ արձանագրելու ենք: Այստեղ շատ կարեւոր է նաեւ պետության աջակցությունը, որովհետեւ մեր հայրենակիցների իրավունքների վերականգնմանն ուղղված քաղաքականությունը նախենառաջ պետք է որդեգրի Կառավարությունը: Մենք փորձում ենք պետությանն աջակցել եւ համագործակցել Կառավարության հետ, որպեսզի քննարկումների ժամանակ գտնենք համատեղ ուղիներ առկա խնդիրների լուծման համար, եւ Հայաստանն էլ՝ որպես սուբյեկտ, իր քաղաքականության մեջ որդեգրի ու պատշաճ կերպով արդրեջանահայերին առնչվող հարցերը ներկայացնի միջազգային կառույցներին»,- ասաց Գաբրիելյանը:

Է. ՄԻՔԱՅԵԼՅԱՆ

«ժողովուրդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ՄՆԱԿՈՒՅՑ

ՆՈՐ ՕՐԵՆՔ

ԹԱՆԳԱՐԱՆՆԵՐԻ ՈԼՈՐՑԸ՝ ԿԱՐԳԱԲԵՐՎԱԾ

Ազգային ժողովի փեհրվարի 28-ի նիստում երկրորդ ընթացքում...



«Թանգարանների մասին» ՀՀ օրենքը կարգավորում է թանգարանների գործունեության հետ կապված հարաբերությունները...

Օրենքով ամրագրվում են լիազոր պետական մարմնի լիազորությունները, թանգարանների աշխատողների իրավունքների և պարտականությունների...

ՀՐԴՊԱՐԱՎԱՅԻՆ ԾԱՆՈՒԹՅՈՒՆ

«Բիւտի» ՍՊԸ-ն (այսուհետ՝ Կազմակերպիչ) «ԵՐԵՎԱՆԻ ԱՊՐԱՆՔԱՅԻՆ ԲՈՐՍԱ» ՍՊԸ-ի հարթակում...

Կոտայքի մարզ, համայնք Հրազդան, Հրազդան ք., Կենտրոն թաղամաս, 98 շենք, 36 հասցեում գտնվող 75,7 քմ բնակարան...

Ռոբյոն քաղաքում, կամ բակային հաշվին («Արզնի-բակ») ՓԲԸ-ում 2470103374150000 հաշվեհամարին կամ կազմակերպչի կողմից տրված այլ հաշվեհամարին...

Մարտի 3-ին Կ. Դեմիրճյանի անվան մարզահամերգային համալիրում տեղի կունենա հոբեյանական համերգ...

ՄԱՐԶԱԿԱՆ

ՄԱՐԶԱԿԱՆ ԿՈՉՈՒՄՆԵՐ

ՀՀ կրթության, գիտության, մշակույթի և սպորտի նախարարությունում մարզական կոչումներ են շնորհվել...



ԱՇԽԱՏԱՆՔԱՅԻՆ

ՀԱՐՑ. Խնդրում եմ ասել՝ ո՞րքան է կազմում ամենամյա նվազագույն արձակուրդի տեղադրումը: Եվ ուզում եմ իմանալ՝ վճարովի արձակուրդի դեղինում այդ ժամկետի համար աշխատավարձը երբ է վճարվում:

Հերսինե Պետրոսյան (42 տարեկան)



ՊԱՏԱՍԽԱՆ. Զ. Պետրոսյանի հարցին ի պատասխան՝ հայտնում եմք՝

1. ամենամյա նվազագույն արձակուրդի տեղադրումը հնգօրյա աշխատանքային շաբաթվա դեպքում 20 աշխատանքային օր է, իսկ վեցօրյա աշխատանքային շաբաթվա դեպքում՝ 24 աշխատանքային օր,
 2. ոչ լրիվ աշխատաժամանակի պայմաններով աշխատողների ամենամյա արձակուրդը չի կրճատվում,
 3. կղելկտիվ կամ աշխատանքային պայմանագրով կամ գործատուի իրավական ակտով կարող են սահմանվել ավելի երկար տեղադրումներ՝ բացառությամբ պետական եւ համայնքային բյուջեից ֆինանսավորվող կազմակերպությունների, Հայաստանի Հանրապետության կենտրոնական բանկի: (Հայաստանի Հանրապետության աշխատանքային օրենսգրքի 159-րդ հոդված)
- Ամենամյա արձակուրդի համար աշխատավարձի վճարումն իրականացվում է ոչ ուշ, քան ամենամյա արձակուրդը սկսելուց առնվազն երեք օր առաջ: (Աշխատանքային օրենսգրքի 169-րդ հոդված):

Կենսաթոշակային համակարգի իրազեկման կենտրոն

«ԺՈՂՎՈՒՐԳ». Նշեմք, որ ՀՀ աշխատանքային օրենսգրքի 192-րդ հոդվածի համաձայն՝ աշխատավարձը վճարվում է ամսական առնվազն մեկ անգամ մինչև հաջորդ ամսվա 15-ը:

Էջը՝ ՄԱՌԻԱՍ ԴԱՆԻԵԼՅԱՆԻ

ԿՎՐԳ

ՀԱՐՑ. Խնդրում եմ ասել՝ եթե կազմակերպությունը գործունեություն չի իրականացնելու, ԵՊՈՒՄ-ի կանխավճարներ դե՞ս է կատարել, թե ոչ: Երանուհի Մանուկյան (32 տարեկան)



ՊԱՏԱՍԽԱՆ. Տեղեկացնում եմք, որ ՀՀ կառավարության առընթեր պետական եկամուտների կոմիտեի նախագահի՝ 13 հունիսի 2011 թվականի «Գործունեության դադարեցման դեպքում ռեզիդենտների կողմից շահութահարկի եռամսյակային գումարների վճարման վերաբերյալ» N 30 պաշտոնական պարզաբանման համաձայն՝ գործունեություն ժամանակավոր (առնվազն մինչև ընթացիկ տարվա դեկտեմբերի 31-ը) կամ անորոշ ժամկետով չիրականացնելու մասին հայտարարությունը (կամայական ձևով կազմված) հարկային մարմին գրավոր ներկայացրած եւ այդ ժամանակահատվածում գործունեություն չիրականացրած ռեզիդենտ կազմակերպությունները հայտարարությունը հարկային մարմին ներկայացնելու եռամսյակից հետո՝ մինչև գործունեությունը վերսկսելու եռամսյակը ընկած ժամանակահատվածների համար շահութահարկի կանխավճարների եւ նվազագույն շահութահարկի եռամսյակային գումարների վճարումներ չեն կատարվում:

ՀՀ պետական եկամուտների կոմիտե

«ԺՈՂՎՈՒՐԳ». Հաշվետու տարում ստացած եկամուտները մինչև բյուջետային տարվա ավարտը պետական կամ համայնքային բյուջե ամբողջությամբ չփոխանցելու դեպքում պետական ոչ առետորային կազմակերպությունները հանդիսանում են շահութահարկ վճարող այդ եկամուտները ստանալու պահից մինչև հաշվետու տարվա վերջը:

ԼՈՒՐ ԿՎՐԳ

Լուսանկարը՝ համացանցից



Գերմանիայի Կոտրուս քաղաքում անցկացվող սպորտային մարմնամարզության աշխարհի գավաթի խաղարկության երկրորդ փուլում Հայաստանի առաջատար, Տոկիոյի օլիմպիական խաղերի բրոնզե մեդալակիր, աշխարհի եւ Եվրոպայի չեմպիոն Արթուր Դավթյանը նվաճեց հաղթողի կոչումը:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել

«Հայմամուլ» ՓԲԸ
հեռ. 45-82-00, 45-19-11

«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձանք ձեր բարձրացրած բոլոր խնդիրներին:

ԱՌԱՋԱՐԿ

հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____


Ազգանուն՝ _____

Առաքման հասցե՝ _____

Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



Շիրակ	-8 - 14 + 1 + 5	Արարատ	-4 - 7 +9 + 12
Կոտայքի լեռներ	-8 - 12 + 1 + 4	Արմավիր	-4 - 8 +9 + 10
Կոտայքի նախալեռներ	-5 - 8 + 4 + 6	Վայոց ձորի լեռներ	-3 - 7 -2 + 1
Գեղարքունիք	-8 - 13 - 1 + 2	Վայոց ձորի նախալեռներ	-3 - 7 + 8 + 10
Լոռի	-6 - 10 + 2 + 6	Սյունիքի հովիտներ	-4 - 7 + 4 + 8
Տավուշ	-4 - 7 + 3 + 7	Սյունիքի նախալեռներ	-9 - 13 + 1 + 3
Արագածոտնի լեռներ	-8 - 12 0 + 3	ԼՂՀ	-9 - 10 + 1 + 3
Արագածոտնի նախալեռներ	-5 - 7 + 3 + 7	Երեւան	1 - 3 + 5 + 7

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22՝/3, հեռ՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության 28.2.2024

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում
խմբագրություն հանձնված նյութերը չեն գրայնաչափում եւ
չեն վերադարձվում, Գ նշանով նյութերը գովազդային
հրապարակումներ են, որոնց համար խմբագրությունը
պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս
կամ ընթացիկ մեջբերումներ անելիս պետք է պարտադիր գրառել
հետևյալ նախադասությունը. «Շարունակությունը կարող էք
կարդալ «Ժողովուրդ» օրաթերթի այսօրվա համարում»: